

яви, но обаче колику беду пьянство пороуди. || Пишет Моисей в книзе Бытейстей: Пит бо Ной от винограда и опися и спаше наг. Яве же, яко отверже ризы своя, пьянству праведнаго смысл и память погрузившу. л. 82 об.

Виждь же беду величества! Видев его нага Хам, — сын его, и шед поведа братама своима. И истрезве Ной от вина и разуме, еже сотвори ему сын его среднейший, и отвеща на него, еже отвеща, от сего известно, яко елицы сынове его или по естеству, или по духу, или по словеси, иже порождени словом благочестия или добродетелей, аще своим родителем плотским || или духовным, или иже по слову в недостатках их, рекше в со- л. 83 блажнениих, посмеются и иным поклевещут, под ту же клятву Хамову подлагают себе и будут в клятве в век. Дерзну бо разверсти очи свои и простре безстыдно видети наготу отца своего и не покры, но, подивився, зазре и, отшед, не утай срамоты родителя, но поведа и братама своима.

Виждь же и добродетели благих сынов противу злодеянию лукаваго сына. Рече бо писание, яко взяша Сим и Афет ризу, возложиста на обе раме свои, и идоста вспять, и покрывста наготу отца || своего, и лица ею зряще вспять, наготы же отца своего не видеста. Истрезве же Ной от вина и уразуме, елико сотвори ему сын его средний, и рече: «Проклят будет Хам и да будет раб братама своима». И рече: «Благословен бог Симов, и да будет Хам раб его, и да распространит бог Афета, и вселится в села Симова, и да будет Хам раб има». л. 83 об.

Зде разумеем, яко тако же благословени будут, — елицы недостатков не зрят и от иных покрывают отец своих или плотских или духовных или по слову. В толику убо беду конец пьянства || изыде. Тако же и Логово же питие в конец колики беды достиже. И воспомяну же и еще писание пьянства, иже при телчи сотворени. Седоша, рече, людие ясти и пити и восташа играти, и конец в беду постиже: падоша бо мечем двадесят тысяч и три тысячи. А в Левитстей книзе заповедь лежит и глагола господь ко Аарону рекий: «Вина и олута не пей ты и сыны твоя с тобою, егда входите в храм свидания, приступающим вам к требнику, да не умрете». Закон вечный врожения их отлучите между святыми и между сквернавыми, показа заповедь питию винному плод умершвление, яко приступающий к святому жертвеннику, пьюще вино, смерти достойни суть. л. 84 об.

Пишет же во Иеремии пророце слово ко Иеремию от господа, глаголя: «Иди в дом Рахавль, и ззови я, и веди я в дом господень, во един от дворов, и напоиши я вина». И приведох Иезекию, сына Иеремиина сына Ховякия, и братию его, и весь дом Рахавин. И введох я в дом господень в храм имения сынов Анании, сына Годолина, человека божия, иже есть близ дому княжа, выше дому Маасекова, сына Селомля, стрегущаго двор || и поставих пред ними корчаги вина и чаши и рекох: «Пийте». И рекоша: «Не пьем вина, яко Ианадав, сын Рахавль, отец наш, заоведа нам, рекий: «Не пийте вина вы и сынове ваши до века». И послушахом словесе Ианадавле отца нашего, яко же не пити вина вся дни живота нашего, мы и жены наша, и сынове, и дщери наши». Того ради сице рече господь: Елма же послушавше сынове Ианадавли заповедь отца своего творити, елико им заоведа отец их, не оскуде муж сынов Ианадавл сына Рахавля, стоя перед лицом моим вся дни || земля. л. 85 об.

Сей Иеремия пророк иереи сый и по глаголу божию приведе напоити вина дом Рахивль рода иерейскаго. И есть разумети зде, колико угодно пред господем, еже не упиватися, понеже дом Рохавль не послуша пророка, повелевающа словом господним пити им вино. В толиде же прслушании словесе господня Рахавль дом не токмо не пострада ни единого зла, ниже клятвы коея, но наипаче благословение божие прия, яко быти